

مرمي على التربان لكبر يروحي  
ودمك جرى طوفان لكبر يروحي  
متعفر بلطفوف ومبضع بلسيوف

لكبر يروحي

\*\*\*\*\*

مثل طير امكسر الجحان حاير حط ابو اليمه على جثة اوليده  
شافه امبضع من اسيوف البواتر والدما تنزف يحسره من وريده  
وارتمى فوگه باهة مخنوگه

نادى والدمعة من عيونه سفوحه ياغصن عمري الرويته من فؤادي  
جسمك الدامي من ايطبب جروحه والله ما بي جلد بعدك سنادي

حيران أنا حيران لكبر يروحي

\*\*\*\*\*

ياشبيه المصطفى الهادي نبينه اغعد وصد للأبو لو نظره بالعين  
خل أضمك قلبي متفايض ونينه لا تخيب ظني يا نسل الميامين  
مگدر اتخيل يلويلد ترحل

فتح اعيونه وشاف الوالي مختار وبضعيف الصوت نادى بويه لبيك  
لكن اعذرني الظمى وسط الحشانار مگدر انهض يا ابو سكينه وأحاجيك

متوذر وعطشان لكبر يروحي

\*\*\*\*\*

للخيم شال الولد والحزن يلهب وروحه موجوعه على افراگه وعليه  
وبس وصل نادى العقيله خيه زينب نادى امه اتودعه بلحسره ليلي  
لكبر امبضع وجسمه اموزع

لفت ليلي شابكه الراس بعشرها والدمع منها على الوجنه تهامي  
ياوسف شافت علي لكبر نخرها جسمه اجنازه على صدر الأمامه

وسفه على الشبان لكبر يروحي

\*\*\*\*\*

وسط صيوان الأسى حطه المظلوم والمدامع تجري بخدوده صبيبه  
وفزعت الصوبه رقيه وام كلثوم وصاحن بحسرات ياهي من مصيبه  
وياهي من محنه شاب ومتهنى

ياحسافه خسفت العدوان نوره وجسمه اتوذر من ارماح وهنادي  
حرنا چيف انضمد اجروجه الغزيره وشكتر تحمل حقد هاي الأعادي

الله على العدوان لكبر يروحي

\*\*\*\*\*